

Հաստատված է
ՀԱԱՀ գիտական խորհրդում
08.02.2019թ.
(արձանագրություն № 7)



Վավերացնում են
Ռեկտոր Վարդան Ուռուտյան

**«ՀԱՅԱՍՏԱՆԻ ԱԶԳԱՅԻՆ ԱԳՐԱՐԱՅԻՆ ՀԱՄԱԼՍԱՐԱՆ» ՀԻՄՆԱԴՐԱՄԻ
ՖԱԿՈՒԼՏԵՏԻ ԴԵԿԱՆԻ ԸՆՏՐՈՒԹՅԱՆ
ԿԱՆՈՆԱԿԱՐԳ**

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կանոնակարգը սահմանում և կարգավորում է Հայաստանի ազգային ագրարային համալսարանի (այսուհետ՝ Համալսարան) ֆակուլտետի դեկանի թափուր պաշտոնի՝ ընտրության միջոցով համալրման գործընթացը,
2. Ֆակուլտետի դեկանն ընտրվում է Համալսարանի գիտական խորհրդում (այսուհետ՝ Գիտական խորհուրդ) բաց մրցույթի հիման վրա՝ փակ, գաղտնի քվեարկությամբ: Ընտրությունների արդյունքների հիման վրա ընտրված դեկանին պաշտոնի է նշանակում Համալսարանի ռեկտորը և սահմանված կարգով կնքում է պայմանագիր մինչև 5 տարի ժամկետով: Ֆակուլտետի դեկանն իր պաշտոնը կարող է զբաղեցնել ոչ ավելի, քան երկու հնգամյա ժամկետ անընդմեջ: Դեկանի հավակնորդի տարիքը չպետք է գերազանցի 65 տարին: Դեկանի ընտրությունը կազմակերպվում և իրականացվում է Գիտական խորհրդի կողմից՝ սույն կանոնակարգին համապատասխան:
3. Ֆակուլտետի դեկանը Համալսարանում վարչական այլ պաշտոն չի կարող զբաղեցնել:
4. Սույն կանոնակարգի ընդունմամբ ուժը կորցրած են ճանաչվում Համալսարանի՝ Ֆակուլտետի դեկանի ընտրությունը կարգավորող իրավական ակտերը: Եթե նմանաբնույթ իրավական ակտերը կարգավորում են նաև այլ հարաբերություններ, ապա ճանաչվում են մասնակի ուժը կորցրած:

II. ՖԱԿՈՒԼՏԵՏԻ ԴԵԿԱՆԻ ԸՆՏՐՈՒԹՅՈՒՆԸ

5. Ֆակուլտետի դեկանի ընտրության մասին հայտարարությունը ձևակերպվում է Համալսարանի ռեկտորի հրամանով, հրապարակվում է Համալսարանում և այլ տեղեկատվական հարթակներում: Հայտարարության մեջ նշվում են առնվազն՝ մրցույթի պայմանները, պաշտոնի հավակնորդին ներկայացվող պահանջները և դիմումների ներկայացման ժամկետը (այն է՝ հայտարարության հրապարակումից հետո 30 օրվա ընթացքում):
6. Դեկանի թափուր պաշտոնի մրցույթին կարող են մասնակցել առնվազն գիտությունների թեկնածուի գիտական աստիճան ունեցող անձինք, որոնց տարիքը չի գերազանցում 65-ը: Ֆակուլտետի դեկանի պաշտոնին կարող են հավակնել առնվազն 5 տարվա գիտամանկավարժական ստաժ ունեցող անձինք:
7. Դեկանի պաշտոնի հավակնորդները հայտարարության մեջ նշված ժամկետում Համալսարանին են ներկայացնում՝
- 1) դիմում՝ ուղղված Համալսարանի ռեկտորին,
 - 2) անձը հաստատող փաստաթղթի պատճենը,
 - 3) կադրերի հաշվառման անձնական թերթիկ,
 - 4) քաղվածք աշխատանքային գրքույկից (առկայության դեպքում),
 - 5) տեղեկանք գիտամանկավարժական ստաժի վերաբերյալ,
 - 6) համառոտ ինքնակենսագրություն,
 - 7) գիտական աստիճանը հավաստող փաստաթղթի պատճենը,
 - 8) հավակնորդի գործունեության ծրագիրը (Ֆակուլտետի զարգացման հայեցակարգ):
8. Հավակնորդի դիմումը չի ընդունվում, եթե դիմումը ներկայացվել է այն ներկայացնելու համար նախատեսված ժամկետի խախտմամբ կամ լրացել է հավակնորդի 65 տարին կամ ներկայացվող փաստաթղթերը չեն համապատասխանում մրցույթի պայմաններին:
9. Ներկայացվող փաստաթղթերի անհամապատասխանության դեպքում հավակնորդը հնարավորություն ունի կրկին ներկայացնելու դիմումը և կից փաստաթղթերը՝ մինչև դիմումների ընդունման վերջնաժամկետը:
10. Ֆակուլտետի դեկանի պաշտոնի թեկնածուների ցուցակը, որում նշվում են թեկնածուների անունները, ազգանունները և գիտական աստիճանը՝ Գիտական խորհրդի քարտուղարը, դիմումների ներկայացման վերջնաժամկետից հետո, 2 աշխատանքային օրվա ընթացքում ներկայացնում է տվյալ ֆակուլտետի գիտական խորհրդին: Դեկանի թեկնածուների անձնական գործերը եռօրյա ժամկետում քննարկվում են տվյալ ֆակուլտետի գիտական խորհրդում և ներկայացվում Համալսարանի գիտական խորհրդին՝ ուստույն:

համար: Սահմանված ժամկետում Գիտական խորհրդին ֆակուլտետի գիտական խորհրդի կողմից քննարկման արդյունքները չներկայացնելու դեպքում (անկախ պատճառից) Գիտական խորհուրդը դեկանի ընտրությունը կազմակերպում է առանց ֆակուլտետի գիտական խորհրդի ներկայացման:

11. Հավակնորդը կարող է ինքնաբացարկ հայտնել մինչև Գիտական խորհրդի որոշմամբ փակ (գաղտնի) քվեարկությունը սկսելը:

12. Ֆակուլտետի դեկանի պաշտոնի թեկնածությունների քննարկման և դեկանի ընտրության օրակարգով Գիտական խորհրդի նիստը վարում է (նախագահում է) Համալսարանի ռեկտորը կամ ուսումնական աշխատանքների գծով պրոռեկտորը: Նիստը իրավազոր է, եթե ներկա են Գիտական խորհրդի հաստատված կազմի 2/3-ը:

13. Մինչև քվեարկություն անցկացնելը ներկայացվում են հավակնորդների ծրագրերը. հավակնորդների, նրանց ծրագրերի ներկայացման ու քննարկման աշխատակարգը հաստատում է Գիտական խորհուրդը՝ ներկա անդամների ձայների պարզ մեծամասնությամբ՝ բաց քվեարկությամբ:

14. Նախագահողն ամփոփում է քննարկումների արդյունքները և Գիտական խորհրդի անդամներին ներկայացնում քվեարկության կարգը:

15. Նախագահողի առաջարկով քվեարկություն անցկացնելու և դրա արդյունքներն ամփոփելու համար Գիտական խորհուրդը բաց քվեարկությամբ իր կողմից ընտրում է առնվազն 3 անդամից բաղկացած հաշվիչ հանձնաժողով, որի կազմում չեն կարող ընդգրկվել դեկանի թափուր հաստիքում որպես թեկնածու առաջադրված անձինք:

16. Հաշվիչ հանձնաժողովն իր անդամներից ընտրում է հանձնաժողովի նախագահ: Հանձնաժողովի որոշումներն ընդունվում են անդամների ձայների պարզ մեծամասնությամբ:

17. Ինքնաբացարկ չհայտնած հավակնորդների անունները զետեղվում են քվեաթերթիկի մեջ: Միակ հավակնորդի վերաբերյալ քվեարկության դեպքում քվեաթերթիկի մեջ պետք է լինեն «կողմ» և «դեմ» բառերը:

18. Մեկից ավելի թեկնածությունների քվեարկության համար քվեաթերթիկի մեջ այբբենական կարգով նշվում են յուրաքանչյուր թեկնածուի ազգանունը, անունը:

19. Հաշվիչ հանձնաժողովը գիտական խորհրդի յուրաքանչյուր անդամին տալիս է մեկ քվեաթերթիկ, որը ստանալիս նա ստորագրում է գիտական խորհրդի անդամացուցակում:

20. Մեկից ավելի հավակնորդների դեպքում քվեարկելիս քվեաթերթիկում թողնվում է միայն մեկ հավակնորդի անունը, որի օգտին գիտական խորհրդի անդամը քվեարկում է՝ ջնջելով մյուսների անունները, որոնց դեմ է քվեարկում: Բոլոր հավակնորդներին դեմ քվեարկելու դեպքում, Գիտական խորհրդի անդամը քվեաթերթիկում ջնջում է բոլոր հավակնորդների անունները:

21. Քվեարկությունն ավարտելուց հետո հաշվիչ հանձնաժողովն ամփոփում է քվեարկության արդյունքները և կազմում արձանագրություն:
22. Մեկից ավելի հավակնորդների դեպքում արձանագրության մեջ հավակնորդների ցուցակը կազմվում է ըստ հավաքած ձայների քանակի նվազման հաջորդականության:
23. Անվավեր են համարվում այն քվեաթերթիկները. որոնցում՝
 - 1) թողնված կամ ջնջված են թե՛ «կողմ» և թե՛ «դեմ» բառերը (միակ հավակնորդի դեպքում),
 - 2) թողնված են երկու և ավելի անուններ (մեկից ավելի հավակնորդների դեպքում),
 - 3) քվեաթերթիկում հստակ չեն ջնջված «կողմ» և «դեմ» բառերը և անուն ազգանունները, կատարված են սույն կարգով չնախատեսված նշումներ, ընդգծումներ և այլ նշաններ:
24. Քվեաթերթիկն անվավեր ճանաչելու որոշումը կայացնում է հաշվիչ հանձնաժողովը:
25. Միակ հավակնորդի դեպքում անձը համարվում է ընտրված, եթե նրա օգտին քվեարկել է Գիտական խորհրդի ներկա անդամների ձայների պարզ մեծամասնությունը:
26. Մեկից ավելի հավակնորդների դեպքում՝
 - 1) ընտրված է համարվում Գիտական խորհրդի ներկա անդամների ձայների պարզ մեծամասնությունը հավաքած անձը,
 - 2) որևէ հավակնորդի կողմից Գիտական խորհրդի ներկա անդամների ձայների պարզ մեծամասնություն չհավաքելու դեպքում Գիտական խորհրդի նույն նիստում կազմակերպվում է կրկնակի քվեարկություն, որին մասնակցում են՝
 - ա) առավելագույն ձայներ ստացած առաջին երկու հավակնորդը, կամ
 - բ) առավելագույն ձայն ստացած առաջին հավակնորդը և նույնաքանակ ձայներ ստացած երկրորդ ու հաջորդ հավակնորդները, կամ
 - գ) առավելագույն և նույնաթիվ ձայներ ստացած երկու և ավելի հավակնորդները:
27. Դեկանի ընտրության արդյունքները հաստատվում են Գիտական խորհրդի նիստում:
28. Դեկանի պաշտոնում մրցույթով անցած անձի հետ Համալսարանի ռեկտորը կնքում է պայմանագիր՝ օրենքով սահմանված կարգով, մինչև 5 տարի ժամկետով: